

Lo rendetz-vos mesadèr

N° 4



Calendari de las animacions

- **6 de mai** : Orioux, sala de las Hèstas a 21 òras, bal gascon animat peu grop Milharis. Entrada 8 €.
- **12 de mai** : Rabastens de Bigòrra, Plaça Centrau a 19 òras, concert public de musica de jazz gascon dab Adi'Jazz seguit de cants tradicionaus dab Cant'Astarac.
- **13 de mai** : Uelhons, en la Sala de las Hèstas a 21 òras, serada deus Escanacrabas dab teatre e cants. Los Escanacrabas que presentan la loa navèra pèça « L'Elixir ».
- **13 de mai** : Arcisac Ador, en la Sala de las Hèstas a 21 òras, bal trad animat peu grop Pialòt de Còrdas. Entrada 8 €.
- **28 de mai** : Arrens Marsos dens l'encastre deu Hestau Eldorando, en la Sala de las Hèstas a 20 òras 30, bal trad animat peu grop Parpalhon. Entrada 8 €

Hestau Er'Escalas de Printemps

Dissabte 13 de mai de 2023
Abadia de l'Escaladiu

Au programa :

- **10 òras 30 a 12 òras e 14 òras a 17 òras** : talhèr de canta. Master class de cant polifonic. Tariu : 5 €
- **14 òras a 17 òras 30** : salon deu libe gascon
Presentacion de libes, taulèrs d'editors, taula redona literaria
- **17 òras 45 a 18 òras 30** : remèsa deus premis deu 31^{au} Concors d'Expression Gascona
- **18 òras 30 a 19 òras** : canta polifonica
- **20 òras 30** : concèrt deu grop Guillaume Lopez Trio

Possibilitat de minja sus plaça lo mieidia e lo ser abans lo concert.

Mes de renshaments e inscripcion au master class en contactar l'Abadia au 05 31 74 39 50 o abbaye.escaladiu@ha-py.fr



Vrespada Contes Alisade

Dimenge 14 de mai de 2023 a 15 òras 30
Aureilhan – ECLA

Vrespada contes animada en bilinga frances – occitanes

Entrada : de 0 a 10 €

Informacions au 05 62 38 04 46

Daunas de Còr

Dissabte 20 de mai de 2023 a 20 òras 30
Glèisa d'Asereish

Concert de presentacion deu navèth CD de Las Daunas de Còr.

En seguir d'aqueth concert, cantèra a tot petar dens la sala de las Hèstas d'Asereish.



Edicion



L'An de l'Aulhèr
de Denis FROSSARD

Que'vs convidam a descobrir un raconte en imatges de Denis Frossard. En aqueth beròi libe de fotografias l'autor que'ns conta la vita pastorau a l'òra on lo mestier d'aulhèrs e d'aulhèras ei sovent saunejat.

87 p. – 24 €

Libe editat a las Edicions Reclams.

Entau comandar de seguir [lo ligam aqueth](#).

Sejorn vacances

Lo Centre de vacances Oxygers en partenariat dab l'association Parlem que'vs perpausa d'inscriure au(s) vòste(s) mainat(s) (de 8 a 12 ans) a un sejorn immersiu a l'entorn de l'occitan.

Lo sejorn que dura 7 dias dab 6 nueits dens lo centre situat a Arrèu en Hautas-Pireneas.

Au programa :

- aprentissatge de las dansas e cantas tradicionaus (dab bal gascon), jòcs e espòrts tradicionaus
- contes tradicionaus
- Lectura deu paisatge, aprentissatge deu vocabulari de la flòra e fauna
- Rondalejada fauna e flòra
- Piscina au centre
- Garrapada
- Rafting

Lo sejorn que serà animat en occitan.

Mes de renshaments e inscripcions suu site internet d'Oxygers.

